

BASES: CONCURSO FOTOGRÁFICO NAS REDES SOCIAIS: “IMPLÍCATE” NA IGUALDADE

“Agora mais que nunca, a causa da muller é a causa de toda a humanidade”

B. Boutros Ghali

Con ánimo de continuar o traballo de sensibilización, promoción e implicación da igualdade de oportunidades a Área de Igualdade do Concello de Camariñas coa colaboración da Asociación de Empresarios e de Promoción Turística de Camariñas, organiza un concurso de fotografía nas redes sociais. O obxectivo do concurso non é outro que premiar as instantáneas que mellor transmitan a necesidade dunha sociedade onde a igualdade entre mulleres e homes sexa unha realidade e que se inspiren na frase de **Boutros Ghali**, *“Agora máis que nunca, a causa da muller é a causa de toda a humanidade”*

Anímate co teu móbil ou coa túa cámara de fotos e comparte en Facebook e Instagram a túa creatividade inspirada na igualdade de oportunidades.

Non se premiarán necesariamente só imaxes de gran calidade técnica, senón tamén as máis orixinais, inspiradoras, sorprendentes ou aquelas que mellor reflectan a esencia da frase que se facilitará para orientar o concurso.

BASES

PERSOAS PARTICIPANTES: DÚAS MODALIDADES

- 1. MODALIDADE A: 18 ANOS OU MAIS:** Poderá participar calquera persoa maior de idade de calquera nacionalidade con fotos propias, do presente ou do pasado, orixinais e tomadas con dispositivos móbiles ou con cámaras fotográficas.
- 2. MODALIDADE B: DE 14 A 17 ANOS:** Poderá participar calquera persoa con idades comprendidas entre os 14 e 17 anos ámbolos dous incluídos de calquera nacionalidade con fotos propias, do presente ou do pasado, orixinais e tomadas con dispositivos móbiles ou con cámaras fotográficas. Deberán contar con autorización do/a tutor/ra legal para poder participar o que poderá ser comprobado pola organización do concurso en calquera momento que así o estime oportuno.

IMAXES PARA O CONCURSO

- 3.** As fotografías poderán estar realizadas en calquera ámbito xeográfico, con plena liberdade para editalas como prefiran as persoas participantes. A temática das fotografías será a igualdade de oportunidades e como mecanismo de axuda e de alento para a inspiración utilizaremos esta frase: **“Agora máis que nunca, a causa da muller é a causa de toda a humanidade”** *B. Boutros Ghali*

4. As **fotografías non poderán ser contrarias á lei**, neste senso e sen prexuízo da exclusiva responsabilidade da persoa autora das fotografías, a organización do concurso resérvase o dereito de retirar e /ou denegar a participación neste concurso daquelas fotografías sobre as que se constate, ou razoablemente se sospeite o incumprimento deste requisito.

SISTEMA DE PARTICIPACIÓN

5. Cada persoa participante poderá publicar tantas fotografías como desexe, en facebook ou en Instagram ou en ámbalas dúas redes. Pudendo publicar a mesma imaxe nas dúas redes. Para o que deberá:
 - En Facebook:
 - Entrar en : www.facebook.com/igualdade.camarinas e solicitar amizade.
 - Esperar a confirmación de amizade, subir ao teu perfil a imaxe que desexes e etiquetar a foto con **Igualdade Camariñas**.
 - A organización autorizará a publicación da túa foto que quedará exposta e lista para ser votada co “Gústame” polo público.
 - En Instagram:
 - Entrar no perfil **@outrolado** e premer no botón “seguir” como seguidor e concursante.
 - Etiquetar as fotografías co hastag **#igualdadecamariñas**

As imaxes participantes **deberán incorporar unha identificación do seu autor ou autora** (nome e apelidos ou un sobrenome) **sobre a foto** (marca de auga) e **deberán ter un título** que faga referencia a fotografía. É opcional engadir calquera outra información ou comentario que se desexe. Ademais as persoas que participan pola **MODALIDADE A**, (maiores de idade), deberán facelo constar, ademais do citado anteriormente **MODALIDADE A** para identificar a foto na súa modalidade correspondente.

6. As fotografías poderanse publicar dende as 00:01 horas do venres 15 de marzo, ata as 24:00 horas do domingo 14 de abril de 2013. En ningún caso as entidades organizadoras deste concurso serán responsables da perda ou non recepción de fotografías por calquera vía de participación.

VOTACIÓNS, ELECCIÓN DE GAÑADORES/AS E PREMIOS

7. Os e as seguidores/as en Facebook e Instagram poderán votar as súas fotografías favoritas clicando “me gusta” de cada unha delas. No se contabilizarán os votos nas fotografías incorporadas aos álbumes que a organización pode crear.
8. **As imaxes gañadoras:** Serán elixidas polo xurado de entre as 10 fotografías que máis “me gusta” reciban en www.facebook.com/igualdade.camarinas e de entre as 10 fotografías que máis “me gusta” reciban no hastag **#igualdadecamariñas** no Instagram.

En ningún caso unha soa persoa poderá ser beneficiaria de máis dun premio.

A organización poderá publicar as fotografías e os nomes das persoas gañadoras polos medios que estime oportunos.

PREMIOS:

MODALIDADE A:

9. **Primeiro premio:** O/a autor/a da fotografía gañadora recibirá un aloxamento para dúas persoas dunha noite máis comida ou cea a elixir nun establecemento hostaleiro de Camariñas.
10. **Segundo premio:** O/a autor/a da segunda mellor fotografía gañadora recibirá unha comida ou cena a elixir para dúas persoas nun restaurante de Camariñas.

Os premios serán remitidos pola organización xunto coas instrucións para gozar dos mesmos, aos enderezos postais que faciliten as persoas premiadas. Estes premios non inclúen os desprazamentos ata Camariñas das persoas premiadas, nin poderán cambiarse polo seu valor equivalente en diñeiro, aínda así poderase trocar o aloxamento por outro servizo de restauración. En todo caso, deberanse gozar antes de 31 de decembro de 2013 e nunca en temporada alta (xullo e agosto).

MODALIDADE B:

11. **Premio:** Vale de compra por valor de 50€ en calquera establecemento dos que pertencen a Asociación de Empresarios de Camariñas.
12. Os premios serán remitidos pola organización xunto coas instrucións para gozar dos mesmos, aos enderezos postais que faciliten as persoas premiadas. Estes premios non inclúen os desprazamentos ata Camariñas das persoas premiadas, nin poderán cambiarse polo seu valor equivalente en diñeiro. En todo caso, deberanse gozar antes do 31 de decembro de 2013.
13. O xurado seleccionador estará composto por un mínimo de 3 persoas elixidas pola organización do concurso. O resultado final publicarase en www.camarinas.net no blog <http://outrolado.camarinas.net> da Área de Igualdade do Concello de Camariñas, en www.facebook.com/igualdade.camarinas e en Instagram **@outrolado**, así como en calquera outro medio que a organización estime oportuno. Tamén se comunicará individualmente a cada unha das persoas premiadas. Si o xurado así o estima, podería quedar deserto algúns dos premios. A decisión do xurado será por maioría simple e inapelable.
14. Para a verificación da identidade das persoas gañadoras, requirirase documento de identificación (DNI, NIE, pasaporte...) no caso de coincidencia do seu nome de usuario na rede social e nome real. No caso de utilizar un nick distinto ao seu nome real, deberá acreditarse a identidade mediante o ingreso no usuario premiado co uso dalgún dispositivo móbil no momento da entrega de premios.

PROPIEDAD INTELECTUAL E PROTECCIÓN DE DATOS PERSOAIS

15. Cada participante do concurso garantirá a autoría e orixinalidade das fotos que remita, e que as mesmas non constitúen copia, nin modificación total ou parcial de ningunha outra obra ou elemento preexistente ou que de calquera modo infrinxa os dereitos de terceiros, así como que non están sometidas a ningunha outra promoción resolta ou pendente de resolución que limite a participación noutros concursos. Neste senso os participantes asumen plena e exclusiva responsabilidade pola participación que realizan e se comprometen a manter indemne a Área de Igualdade do Concello de Camariñas e Asociación de Empresarios de Camariñas fronte a calquera reclamación de terceiros que traian causa da vulnerabilidade dos presentes garantes.

16. Polo feito da súa participación, cada participante cede a Área de Igualdade do Concello de Camariñas os dereitos de explotación sobre as fotografías (reprodución e comunicación pública) e autoriza a esta entidade para canto resulte necesario no desenvolvemento deste concurso, publicación na web e redes sociais, así como a súa exhibición en pantallas, exposicións, etcétera, sempre que se indique o nome, alias, sobrenome ou Nick , segundo indique o/a participante que as remitiu. Dita autorización concedese con expresa facultade de cesión a terceiros e sen limitación xeográfica ou en canto ao sistemas ou formatos.

17. O Concello de Camariñas reservase o dereito de empregar ou non as fotos participantes ou gañadoras.

18. As persoas gañadoras consenten expresamente á utilización do seu nome e os seus apelidos na forma e nos medios que os organizadores do concurso estimen conveniente para dar a coñecer a súa condición de gañador ou participante neste concurso.

Os datos persoais subministrados no presente concurso someteranse á política de privacidade e protección de datos que corresponda a cada entidade, así como ás que corresponden ás redes sociais empregadas neste concurso
http://www.facebook.com/note.php?note_id=%20322317115300
<http://instagr.am/legal/privacy/>)

19. A participación neste concurso supón a plena aceptación destas bases, así como das políticas de privacidade expostas nelas.

Máis información:

Área de Igualdade

Concello de Camariñas

TLF: 981737004/ 653260729

muller.ssociais@camarinas.net